

## იხდება ფარდა

მაგრამ იწყება. ასწიეს ფარდა.  
მის წინ კარპიის არის ცხედარი.  
ქალის თვალები იფეთქებს ვარდად,  
გრძნობათა ცეცხლით გაუბედარი.  
იდგა მუხლმოყრით და ცრემლებს ღვრიდა  
სასოწარკვეთა და გრძნობა ძველი,  
იყო ოცნება – ხან მარგარიტა,  
ხან კლეოპატრა, ნილოსის გველი.  
რა ფერებია! ოვალთა სეირად  
ათასნაირი ელავს კანდელი,  
ხატავს ჯორდანო და რიგიერა:  
მწვანე ფერების კორიანტელი.  
შიპრის სურნელი, იები პარმის  
თითქო ათასი არის ზმანება,  
მოეფინება სამუჟად დარბაზს  
ოვაციის ატორტმანება.  
აჰ, გრიმი, გრიმი, ლევკოებს ისე  
აღარ ადელვებს გრძნობათა ქარი,  
ელეონორა, ნინო ჩხეიძე,  
სარა ბერნარი.